



UDRUŽENJE GRAĐANA STARE DEVIZNE ŠTEDNJE BiH

RAIFFEISEN BANKA
ž.r. 1610450015910074

Sjedište Banja Luka: I. G. Kovačića 139b
tel/fax 051/380-738
e-mail: nnisic@spinter.net

Banja Luka 26.06.2004.godine
velika dvorana kina Palas
početak 11.00 časova
prisutnih delegata 273

VANREDNA SKUPŠTINA UDRUŽENJA GRAĐANA STARE DEVIZNE ŠTEDNJE BiH (zapisnik)

- Gospođa Jadranka Mudrenović i gospodin Draško Ratković se obraćaju i pozdravljaju sve prisutne štediše koji prisustvuju vanrednoj skupštini Udruženja građana stare devizne štednje BiH (u daljem tekstu Udruženje)
- Upoznaju sve prisutne sa bitnim elementima Statuta Udruženja kao što su ciljevi udruženja, obavezama održavanja skupštine Udruženja, načinom formiranja Upravnog odbora Udruženja, njegovim obavezama, zadacima i nadležnostima i drugim regulativama Statuta Udruženja
- Predstavljaju predsjednika glavnog odbora Udruženja, gospodina Nišić Svetozara i daju mu riječ.

- Gospodin Nišić se obraća Skupštini, zahvaljuje na brojnosti i objašnjava da se na osnovu člana 9. stav 2 Statuta Udruženja održava Vanredna skupština Udruženja.
- Objašnjava Skupštini i Udruženju svoj razlaz sa gospodinom Milanom Jovičićem koji je svoje lične pragmatične ciljeve stavljao iznad ciljeva Udruženja, a nije pokazao konkretne rezultate svoga rada u Udruženju.
- Dužnost mu je bila da upozna Udruženje da želi raditi samo sa ljudima koji će se posvetiti poslu i ispuniti očekivanja članova Udruženja, odnosno svakodnevno se angažovati na vraćanju stare devizne štednje
- Predlaže izbor radnih tijela Skupštine da bi mogli nastaviti efikasniji rad

- Gospođa Jadranka Mudrenović i gospodin Draško Ratković upoznaju Skupštinu sa predlogom radnog predsjedništva Skupštine, a to su

Kubinek Zvonimir, Lizalović Ale, Asim Kapić i Svetozar Nišić.
Ovaj predlog je jednoglasno prihvaćen.

- U verifikacionu komisiju od tri člana jednoglasno su prihvaćeni Bačkonja Anđelija, Banjac Đorđe i Tatić Borislav
- Za zapisničara je jednoglasno izabran Gavrić Željko, a za ovjerivače zapisnika Smilja Stević i Gordana Nišić
- U statutarnu komisiju jednoglasno su prihvaćeni Gordana Šukalo, Marko Protuđer i advokat Udruženja Predrag Radulović

- Svetozar Nišić, kao predsjednik radnog predsjedništva predlaže DNEVNI RED Vanredne skupštine Udruženja:
 1. Kratak osvrt predsjednika glavnog odbora na dosadašnje aktivnosti rada Udruženja i probleme sa kojima se Udruženje suočava
 2. Upoznavanje sa izmjenama i dopunama statuta udruženja
 3. Upoznavanje sa aktivnostima udruženja vezano za podnošenje tužbi, žalbi i inače formalnopavni status Udruženja
 4. Izbor Upravnog odbora (12 članova + predsjednik)
 5. Riječ gostiju (gospodin Babić Dragomir, Narodni front)
 6. Izvještaji o radu predstavnika Tuzle, Sarajeva i Mostara
 7. Razno (pitanja i diskusije)
 8. Zaključci supštine i završna riječPredloženi dnevni red je jednoglasno prihvaćen

- Svetozar Nišić u prvoj tački dnevnog reda upoznaje Skupštinu sa početkom rada Udruženja bez dovoljno iskustva, bez infrastrukture, bez kancelarijskog prostora, elektronske i biro opreme. Govori o obraćanju sa 54 pisma svim domaćim institucijama, OHR-u i visokom predstavniku za BiH, te da je Udruženje ostalo bez odgovora. Zatim obrazlaže ideju zajedničke tužbe protiv banaka svim domaćim sudovima, država nasljednica bivše SFRJ i tužbu međunarodnom Sudu za ljudska prava u Strazburgu. Govori o danonoćnom radu, narastanju članstva do 4400, te sve većoj potrebi za angažovanjem advokata radi podnošenja tužbe. Takođe govori i o probijanju medijske blokade nad Udruženjem i iznosi podatak da SRT traži 5800 KM za sat vremena emitovanja. Ukazuje na sve veću potrebu otvaranja novih ispostava Udruženja u Bihaću, Zenici, Prijedoru, Trebinju pored već postojećih u Mostaru, Sarajevu, Tuzli i Banja Luci.

- U drugoj tački dnevnog reda, advokat Predrag Radulović upoznaje Skupštinu sa potrebama za izradom novog statuta koja je proizašla iz same činjenice narastanja Udruženja i osnivanjem ispostava Udruženja u svim većim gradovima BiH. Ukazuje na potrebu prihvatanja ovog Statuta jer on služi svakom članu Udruženja u jedinstvenoj borbi za povrat stare devizne štednje u što kraćem vremenskom roku. Objašnjava da usvajanje ovog statuta Udruženja predstavlja do sada

najjači temelj u realizaciji svih ciljeva Udruženja i djelovanja na cijeloj teritoriji BiH koje niko ne može osporiti.

- U trećoj tački dnevnog reda advokat Predrag Radulović upoznaje i objašnjava Skupštini svoju saradnju i rad sa gospodinom Svetozarom Nišićem, obimnost posla prema članu Udruženja kao pojedincu i kompletiranje tužbe koja po obimu materijala iznosi 53 kilograma. Iskazuje optimizam u pogledu tužbe međunarodnom Sudu za ljudska prava i pravda ga samom činjenicom da tužba Udruženja nije odbijena, već je prihvaćena i zaprimljena kao predmet koji ima i svoj broj i traži od Udruženja i njegovog pravnog zastupnika da svaka tri mjeseca dostavlja nove tužbe i izvještaje o rezultatima rada domaćih sudova i institucija i sudova iz okruženja, tj. novonastalih država na teritoriji bivše SFRJ, koje su potpisnice Aneksa C, Dejtonskog sporazuma i time se obavezale za izmirenjem dugovanja, uključujući i staru deviznu štednju do kraja 1991. godine
- Gospodin Svetozar Nišić u četvrtoj tački dnevnog reda, pre izbora Upravnog odbora Udruženja, poziva Skupštinu na izjašnjanje o Statutu Udruženja. Predloženi Statut Udruženja je prihvaćen jednoglasno. Gospodin Svetozar Nišić prije izbora Upravnog odbora stavlja svoju ličnost i povjerenje, kao predsjednika Udruženja u ruke skupštine koja jednoglasno uz gromoglasan aplauz prihvata gospodina Svetozara Nišića za predsjednika udruženja. Zahvaljujući na ukazanom povjerenju i novim obavezama prema štedišama, Svetozar Nišić iznosi Skupštini ideju da u Upravni odbor Udruženja mogu biti birani oni koji će raditi i koji rade za ovo Udruženje i da ga pored predsjednika čine ljudi iz već oformljenih i novoformiranih ispostava Udruženja. Upoznao je skupštinu da ostaje upražnjeno mjesto za predstavnika iz Trebinja, Bijeljine i tri mjesta za ljude iz dijaspor, po mogućnosti Evrope, Amerike i Australije. Skupština je jednoglasno usvojila da Upravni odbor radi u sastavu:
 1. Lizalović Ale iz Sarajeva,
 2. Kubinek Zvonimir iz Tuzle,
 3. Mato Kurevija iz Zenice,
 4. Hase Vojić iz Bihaća,
 5. Grbić Milan iz Prijedora,
 6. Gavrić Željko iz Banja Luke i
 7. predsjednik Svetozar Nišić.
- Svi članovi Upravnog odbora će na idućoj Skupštini podnijeti detaljan izvještaj o svom radu u ispostavama Udruženja.
- Gospođa Jadranka Mudrenović u petoj tački dnevnog reda daje riječ gostu na vanrednoj skupštini Udruženja, gospodinu Babiću (Narodni front) koji se zahvaljuje na pozivu Udruženja, čestita na usvajanju

Statuta Udruženja, na izboru Upravnog odbora i opominje Upravni odbor Udruženja na potrebnu ozbiljnost i rad na putu povrata stare devizne štednje. Zaželio je uspješan rad Skupštine, a Udruženju poželio što skorije ostvarenje zadanog cilja.

- U šestoj tački dnevnog reda Skupštinu sa svojim radom upoznaju predstavnici Sarajeva, Tuzle i Mostara.
- Pod tačkom Razno, dnevnog reda vanredne Skupštine Udruženja, postavljeno je pitanje kamata za deviznu štednju pa je odgovorio advokat Udruženja Radulović Predrag da obračun kamatne stope treba da izvrši sudski vještak ekonomske i finansijke struke koga ovlasti Udruženje po zakonskim regulativima, a koja bi se jednako primjenjivala na sve devizne štediša i sve tužene banke.

U poslednjoj tački dnevnog reda gospodin Svetozar Nišić predlaže ZAKLJUČKE sa vanredne skupštine Udruženja građana stare devizne štednje BiH:

1. Skupština Udruženja je jednoglasno usvojila Statut Udruženja građana stare devizne štednje na nivou Bosne i Hercegovine
2. Hitno, a u roku od tri mjeseca doregistrovati Udruženje građana stare devizne štednje BiH u Ministarstvu pravde BiH u Sarajevu.
3. Oformiti nove ispostave Udruženja u Zenici, Bihaću i Prijedoru
4. U saradnji sa advokatom Udruženja štediša, gospodinom Radulovićem uputiti zahtijev svim bankama za davanje svih podataka štedišama koji su izgubili ili na bilo koji drugi način ostali bez svojih deviznih knjižica.
5. U saradnji sa advokatom Udruženja štediša, gospodinom Radulovićem, pod hitno uputiti zahtijev za deblokadu žiroračuna Udruženja štediša, jer su to namjenska sredstva za finansiranje tužbe Međunarodnom Sudu za ljudska prava u Strazburgu.
6. Od institucija BiH i entitetskih vlasti zahtijevati reviziju banaka i preduzeća, te da se sa isplatom stare devizne štednje otpočne odmah, a cjelokupna devizna štednja isplati u roku od tri godine
7. Skupština je jednoglasno odbacila predlog Nacrta Zakona Vlade RS i Vlade Federacije BiH o izmirenju unutrašnjeg duga koje su uputile skupštinama entiteta na usvajanje po hitnom postupku.
8. Omogućiti Udruženju osnivanje banke, koja bi bila vlasništvo starih deviznih štediša, preko koje bi išla realizacija svih novčanih sredstava vezano za staru deviznu štednju.
9. Vlasti BiH su dužne deviznim štedišama omogućiti prvenstvo kod kupovine placeva za gradnju, poslovnih prostora, stanova i svih drugih nekretnina
10. Predlog Zakona o oduzimanju nezakonito stečene imovine proslijediti Narodnoj skupštini RS i parlamentarnoj Skupštini BiH na usvajanje po

hitnom postupku, kako bi se iz tih sredstava jednim dijelom finansirao povrat stare devizne štednje

11. Statut udruženja dostaviti vijeću ministara BiH, Vladi BiH, entitetskim vladama, Vladi Republike Slovenije, Vladi Srbije i Crne Gore, Visokom predstavniku za BiH, gospodinu Pediju Ešdaunu, Međunarodnom sudu za ljudska prava u Strazburgu kao i Vijeću Evrope zajedno sa zapisnikom vanredne skupštine Udruženja

Predložene zaključke Skupština Udruženja štediša je jednoglasno usvojila. Gospodin Svetozar Nišić se na kraju zahvaljuje svim delegatima na brojnosti i odzivu kao i odlukama i zaključcima koje je Skupština Udruženja štediša donijela i usvojila.

Prilog:

- Statut Udruženja građana stare devizne štednje Bosne i Hercegovine,
- Potpisi učesnika vanredne skupštine Udruženja štediša

Zapisničar
Gavrić Željko

Ovjerivači zapisnika
Stević Smilja

Nišić Gordana
